

**„Kölsche Meß“
met uns jecke Pänz**



**Sonntag 16.11. 2014
11:00 Uhr
Heilige Drei Könige
Köln-Rondorf**



**Meß in kölscher Sproch met uns jecke Pänz
16.11. 2014 in Heilige Drei Könige Rondorf**

Zom Enzoch: Orjelspill, evtl met Trumpet

Melodie: Echte Fründe stonn zesamme

anschließend

Leed: Melodie: GL: 380 Großer Jott mer lovven Dech..

1. Herrjott, meer sin en de Bräng
Überall es Nut op Äde.
Nemm uns Vatter, bei de Häng.
Loß uns domet fädich wäde.
Alles jeit, blievs Do uns noh.
Jode Welle, dä eß do.

2. Völkerhaufe sin om Treck,
Moote Land un Heimat loße.
Wä nit laufe kann, dä freck
En de Sode, op de Stroße.
Su darf dat nit iwich jonn.
Helf uns Vatter, Dich verstonn.

3. Hunger eß en ärje Ping.
Millijone Minsche ligge.
Loßt uns deile Brut un Wing,
Wie der Här et dät vör Zigge.
Jeder hät e Levvensrääch,
Eß hä Baas ov eß hä Knääch.

4. Trecke meer aan einem Strang
Met dem Herrjott all zesamme!
Nor nit möd sin un nit bang!
Wä nit met trick, soll sich schamme.
Baue meer am Joddesrich
Allt op Äde jeschwesterlich.

(Fritz Heger)

Bejröfung un Besinnung

P: Em Name vum Vatter un vum Son un vum Hellije Jeis

A: Amen

P: D'r Herrjott soll met Üch sin!

A: Un och met Deer.

P: Do bes medden unger uns, ävver mer sinn Dich nit!

A: Här, dun uns doch verjevve!

P: Do röfs uns, ävver mer hüre Dich nit!

A: Här, dun uns doch verjevve!

P: Do bruchs uns, ävver mer han kein Zigg för Dich!

A: Här, dun uns doch verjevve!

Zom Jloria

Melodie: Gloria, Ehre sei Gott (Mappe Nr. 179)

Refrain:

Jloria, Jott sei de Ihr, un Fridde de Minsche he op Äde.

Jloria, Jott sei de Ihr, hä es dä Fridde unger uns.

1. Mer lovve dich,
mer ihre dich,
mer bedde dich an.
Mer singe un mer danke dir,
denn jroß bes do en Herrlichkeit.

Refrain:

Jloria, Jott sei de Ihr, un Fridde de Minsche he op Äde.

Jloria, Jott sei de Ihr, hä es dä Fridde unger uns

2 Do bes dä Här,
dä Hellije,
dä Jrößte allein.
Do nimms op dich uns janze Schold,
blievs unser Här en Iwichkeit.

Refrain:

Jloria, Jott sei de Ihr, un Fridde de Minsche he op Äde.

Jloria, Jott sei de Ihr, hä es dä Fridde unger uns.

Jebett vum Dach

P: Herrjott, unsre Här,
do häs all dat Jode jemaat.
Loß uns bejriefe, dat mer frei wäde,
wann mer dat dun, wat do wells;
dat mer richtije Freud finge,
wann mer deer treu blieve.
Doröm bedde mer durch Chrestus unsen Här.

Erster Thessalonischerbreef 5,1-6

Lesung us däm eetste Breef vum Apostel Paulus an de Thessalonicher

L: Dat well d´r Här uns sage

A: Här mer danken deer

zom Zweschejesang

Leed noh der Melodie: Singt dem Herrn ein neues Lied (G 409)

Minsche, singt op Kölsch e Leed,
loss d´r Här nit wade
Dat es sicher nit verkeht,
weil mer Kölsch och schwade.
Jott, do häs de Sproch jemaat,
Kölsch uns en et Hätz jelaat.
Wie künnt dat uns schade!

Herrjott, pack uns bei de Häng,
dunn ding Puute föhre.
Dann kütt keiner en de Bräng,
loss ding Leev uns spüre.
All dat, wat mer schlääch jemaat,
weed hüek en et Lut jebraat,
dat mer deer jehüre.

Leed: Halleluja v. Brings

Vör dem Evanjelium

P: Unse Här soll met üch sin

A: Un och met deer, et janze Levve

P: Us dem Evanjelium nohm Evangjelis Lukas

A: Mer lovven Dich, Här Jesus Chrestus

Evanjelium nom Mt 25,14-15, 19-21

Noh dem Evanjelium

P: Suwick die fruhmachende Botschaff

A: För de Verheißung dun meer dä Herrjott lovve un priese.

zom Credo

Leed noh der Melodie: Ich glaube Herr, dass Du es bist

Ich jläuve Här, dat do et beß,
 durch dä meer sin un levve.
 Ich jläufen och, dat Jesus Chreß,
 för uns sich hinjejevve.
 Ich jläufen an der Heilije Jeis,
 dä Jodes uns zo lihre weiß,
 zom Heil deit hä uns föhre.

Förbedde

L: Leeven Herrjott, do sühs an dä Baselümcher, die die Pänz aanhann, dat he hück en besondere Meß jefiert weed.
Meer welle dich bedde: V/Alle: **Här, hör uns aan**

1. Pass en d'r Fastelovendszick op uns Kölsche besondersch op, domet mer beim Fruhsenn dich nit us de Äujelche verliere.

Alle: **Här, hör uns aan**

2. Halt uns Pänz em Auch und schenk inne beim danze un Kamelle fange vill Freud.

Alle: **Här, hör uns aan**

3. Loß uns die Malätzije un Ärme net verjesse beim Fiere.

Alle: **Här, hör uns aan**

4. Jevv denne Minsche, die sich för Odenung un Verunjlockte ensetze Jeduld, Kraff un Usdauer.

Alle: **Här, hör uns aan**

5. Jevv alle Minsche, die der Herrjott schon jerofo hät, de ewije Sillichkeit bei dir.

Alle: **Hä, hör uns aan**

P: Denn do, Här, beß der Wäg, de Wahrheit un et Levve. Dich welle mer lovve un ihre en Iwichkeit.

A: Amen

zor Javenbereitung**Leed noh d. Melodie: Was uns die Erde Gutes spendet**

Herrjott, mer priese Dinge Name.
 Do hält's uns all en Dinge Häng.
 Meer sin Ding Puute allemole
 un föhlen och, Do häß uns leev.

Do lenks de Sonn, der Mond, de Stäne,
 Schenks jedem Blömche Döff un Klör,
 Jiß alle Deere, wat se bruche,
 un weiß, wo uns der Stivvel dröck.

Do häß uns Dinge Son jejobve,
 stundt wie ne Broder unger uns,
 hä well op iwich met uns levve,
 dröm sage meer von Hätze Dank.

Javenjebett

Här, unse Jott, die Javen, die mer dir bringe,
 jevven uns Kraff, deer treu zu deene..
 Dann föhrs do uns en de Iwichkeit zo deer..
 Doröm bedde mer durch Chrestus unsen Här

P: Unse Här soll met üch sin

A: **Un och met deer et ganze Levve**

P: Wo es ör Hätz?

A: **Et es beim Här ze Hus**

P: Loßt uns dem Här Danke sage

A: **Do han mer alle Jrund zo**

Sanctus**Leed:** Melodie aus der Schubert Messe

Hellich, hellich, hellich
 hellich es der Här.
 hellich, hellich, hellich,
 hellich es nor hä.
 Hä, dä nie jewoodde,
 hä, dä immer wor
 iwich es un bliev hä,
 alle Minsche noh.

Wandlung**Noh der Wandlung****P:** Dat es et Deefste vun allem, wat mer jläuve:**A:** Mer welle üvverall vun dingem Dud verzälle
 un voll Freud rofe, dat do nit em Dud jeblevve
 beß un dat esu lang, bes do widderküß en Herrlichkeit.**Vatter unser****P:** No welle mer dat Jebett bedde, wat der Här
 uns an et Hätz jelaat hät

A: Leeve Vatter do bove,
 Dinge Name soll uns hellich sin.
 Kumme soll die Zick, wo se all op Dich höre.
 Wat Do wells, sollen se all dun,
 em Himmel un he op der Äd.
 Jevv uns alledachs, wat mer bruche, för satt ze wäde.
 Un verjev v uns, wo mer schöldich jewoodde sin vör Deer,
 su wie meer denne verjevve, die uns wih dun.
 Maach et uns nit zo schwer, jot ze sin,
 un loß uns frei wäde vun all däm, wat nit jot eß.
 Do beß der Här,
 Do steis jroß üvver allem,
 jetz un för immer un iwich.
 Amen

P: Jo Här, allmächtige Vatter, dun uns erlöse, vun allem Schlächte un schenk uns Fridde en uns hüggije Däch. Kumm, helf uns mit dinger Erbärmde un dun uns behöde vör Sünd un Schand, domet mer voll Zuverseech op dat Kumme vun unserem Erlöser Jesus Chrestus wade.

A: Denn do beß der Här un de Kraff un de Herrlichkeit en Iwichkeit. A m e n

zom Friddensiroß

P: Unsen Här nennt et Schalom, mer sage Fridde. Wer Schalom sät, dä weiß: Fridde kann mer nit nur han, dä muß mer maache, do muß mer jet för dun, alldachs widder. Däm Här singe Fridde sull met üch sin.

A: Un och met deer et ganze Levve

P: Un jetzt jevvt üch de Hand un fangkt mem Fredde an.

Leed nach der Melodie: Hewenu schalom

: Hä brengk d'r Fridde uns Minsche.
 Hä brengk d'r Fridde uns Minsche.
 Hä brengk d'r Fridde uns Minsche.
 Hä brengk d'r Fridde, Fridde, Fridde en de Welt.:

Agnus Dei

P: Do häß wie e unschöldich Lamm de Sünd vun der ganze Welt op dich jelade. (2 mol bedde)

A: Här, dun uns doch verjevve

P: Do häß wie e unschöldich Lamm de Sünd vun der ganze Welt op dich jelade.

A: Här, jevv uns dinge Fridde.

Vör der Kommunion

P: Lort he dat jebrochene Brut un dä Wing he em Kelch. Et es e Beld vun unserm Herrjott, dä sech jedem vun uns schenke well.

A: Här, ich han et nit verdeent, dat Do bei mich küß,
ävver ei Woot vun Deer mät Liev un Siel widder fruh.

zor Kommunion

P: Loort, d'r Herrjott es medden unger uns!

A: Här, do häs uns enjelade, dat määt uns ärch fruh.
Meer sin et nit wäät, dat do unse Jass wees,
ävver do bruchs nor e Woot zo sage, dann es alles widder jot

Musik zo der Kommunion

Blasmusik / Orgelimprovisationen

Leed noh der Kommunion

Melodie: Ja, wenn der Herr einst...

1. Jo, wann d'r Här, uns nüdich hät
Jo, wann d'r Här, uns nüdich hät
dann loß uns och dobei sin
jo wann d'r Här uns nüdich hät
2. Wann hä uns en d'r Wingbirch röf...
3. Bruch hä uns Häng, an singem Huus...
4. Un wann nen ärmen Höösch uns bruch...
5. Un rofen se: de Äd es schön...

Schlußbitt

P: Barmhätzige Jott, mer han dä Odrach vun dingen Son
 en de Tat ömjesatz un sing Jedächnis bejange.
 Mer han ding hellije Gave en uns op jenomme.
 Mer wolle met dinger Kraff unsere Alldach parat mache
 un Christus nohfolje
 dä met deer Läv un et Rejal hät in lwigkeit.

P: Der Här soll met Üch sin

A: Un och met Deer et janze Levve

P: Joddes Sän, dä mer bruche för Liev un Siel,
 för et Levve un et Sterve, dä Sän soll met üch sin:
 dä Sän vum Vatter un vum Son un vum Hellije Jeis

A: Amen

Schlußleed:

Mer singe: *Echte Fründe*

Refrain:

Echte Fründe ston zesamme,
 ston zesamme su wie eine Jott un Pott.
 Echte Fründe ston zesamme,
 es och di Jlöck op Jöck un läuf d'r fott.
 Fründe, Fründe, Fründe en d'r Nut,
 jon ́ner hundert, hundert op e Lut.
 Echte Fründe ston zesamme,
 su wie eine Jott un Pott.

1. Do häs Jlöck, Erfolg un küss zo Jeld.
 Dich kennt he op einmol Jott un alle Welt.
 Minsche, die dich vürher nit jekannt
 kumme us de Löcher anjerannt,
 sin ganz plötzlich all met dir verwandt.

Refrain: Echte Fründe...

2. Scholderkloppe, Bravo nimmp kei Engk.
 Mer fingk dich wirklich doll un drät dich op de Häng.
 Jlöcklich, wä sich do nit blende liet
 un nit zo vell op schöne Auge jitt,
 en jedem Fründ, ne richtije Fründ och süht.

Refrain: Echte Fründe...